

նոսի, Դիոկղիտիանոսի, Մաքսիմիանոսի,  
Ներոնի եւ այլ կայսերացն կռապաշտ. բայց 90  
աւեր եւ ամայիք էին, միայն Հիմուսք եւ  
նշմարանք կ'երեւէր. եւ զայն թողած էր ի  
նչան եւ ի հիացումն տեսողացն մեծամեծ եւ  
լայնանիստ, մարմար սներով, վէմս եւ սայլս  
եւ քարինս քանդակեալ ի կերպս ազգի ազգի 95  
զազանաց եւ վիշապաց եւ հսկայից, զոր  
խախտեալք եւ ցրվեալք էին ի այլ եւ այլ ա-  
նարզ եւ անպիտան տեղիս:

ԿՈՂՈՍԷՆՆ ԿԱՄ ՓՂԱԻԵԱՆ ԱՄՓԻԹԷԱՏՐՈՆ

Եւ կայր սարայ մի այլ, մեծ եւ լայնա-  
նիստ, բոլորակ որպէս խուժի, բարձրու- 100  
թիւնն տասն մարդապոյ. եւ մէջն ամէն տներ  
կայր. եւ օտանի բոլորն երկու, երեք տակ  
մինչեւ ի վերն. եւ ամէն սպիտակ մէրմէր էր.  
եւ ասին թէ աստ զբօնուին ամենայն թագա-  
ւորքն առաջին. զի մէջն այժմ գազանք պա- 105  
տառողք էին. զոր եւ աստ ասեն գազանաց  
արկեալ զիգնատիոս: Այլ եւ տեսաք զսարան  
Կոստանդիանոսի սուրբ թագաւորի. յոյժ գե-  
ղեցիկ եւ վայելուչ բարձր տեղով, բայց կէսն  
փրկ էր: Եւ մերձ եկեղեցուն էր տունն Պի- 110  
ղատոսի որպէս դարպաս, մեծ եւ բազմայար-  
կեան, զոր փլած էր եւ խոսանոց արած ձիոց  
եւ երիվարաց: Եւ կայր խաչաձեւ ճանապարհ.  
ի վերայ չորս կողմն չորս հսկայք մեծամեծք.  
եւ առաջի նոցա աղբիւրք, որ ի ձեռս իւրեանց 115

91 յամայիք: — 93 մեծամէծ: — 104 սրօնուին:  
— 107 զինքնատիոս: — 115 զոր: